

NOTULE VAN VERGADERING BY LEKKERSING

Omgewingsimpak Studie (OIS) – Omvangsbepalings Fase Publieke Deelname (Projek Aankondiging)

Onderwerp	<p>Voorgestelde Grasdrift Delwery deur Nabas Diamante (Edms) Bpk Aansoek vir 'n Mynreg, Omgewingsmagtiging, 'n Afvalbestuurslisensie asook Watergebruiklisensie.</p> <p>DMRE Verwysings no. NC 30/5/1/2/2/10211 MR</p>
Datum en tyd	16 November 2022, 10:00 – 12:00
Plek	Lekkersing Saal, Richtersveld
Voorsitter	Marissa Botha, Naledzi Omgewingskonsultante (Edms) Bpk (MB)
Teenwoordig	<p>Naledzi Omgewingskonsultante Marissa Botha (MB) Thendo Matsenene (TM)</p> <p>NDI Geologiese Konsultante Solly Olifant (SO) Lesego Masao (LM)</p> <p>Lekkersing gemeenskapslede</p> <p>Verwys asseblief na die aangehegde getekende bywoningsregister as Bylae A.</p>
Verskonings	Geen
Doel	<ul style="list-style-type: none"> • Projek inligting oor te dra • Wetlike vereistes en bestek van die OIS te verduidelik • Insette te verkry oor die genoemde projek wat oorweeg en aangespreek moet word in die OIS-proses. • Konsep Maatskaplike-en Arbeidsplan te bespreek; • Inligting te verkry oor die stand van gemeenskapsgesondheid en beskikbaarheid van gesondheids dienste.
Inhoud van Notule	<ol style="list-style-type: none"> 1. Voorlegging 2. Besprekings 3. Maatskaplike-en Arbeidsplan 4. Gemeenskaps gesondheids vraelys 5. Afsluiting 6. Aksie Items <p>Die volledige PowerPoint-voorlegging is aangeheg as Bylae B.</p>

1. VOORLEGGING

Item nr.	Agenda Item
1.1	Verwelkoming en Bekendstelling
	<p>MB het die vergadering geopen en almal verwelkom. Daarna is die projekspan voorgestel.</p> <p>MB noem dat Nabas Diamante aansoek gedoen het vir 'n mynreg en NDI Geologiese Konsultante tree op as hul agent en projek bestuurder en is ook verantwoordelik vir die opstel van die Konsep Maatskaplike en Arbeids Plan (MAP). NDI het Naledzi Omgewingskonsultante aangestel as die onafhanklike omgewings-evaluerings-praktisyn om die Omgewingsimpak studie (OIS) te doen vir die genoemde projek.</p>
1.2	Aanvaarding van die Agenda
	<p>Die besprekingspunte op die agenda is genoem en aanvaar deur die teenwoordig.</p>
1.3	Projek Agtergrond en Ligging
	<p>1.3.1 Agtergrond</p> <p>MB noem dat Nabas die prospekterreg (NC 501 PR) vir spoeldiamante besit by Grasdrift in die Richtersveld Nasionale Park vanaf 2017. Die myngebied (2692-ha) is geleë op die linkeroewer van die Oranjerivier op 'n gedeelte van die Restant van die Plaas Nr. 18¹. Toegang tot die gebied is deur die RNP oor Akkedispas of Helskloofpas.</p> <p>Die Grasdrift prospekterbedrywighede het begin in 2018 en die resultate is gunstig dus het Nabas nou aansoek gedoen vir die mynreg oor die selfde gebied by die Departement van Minerale Hulpbronne en Energie (DMHE).</p> <p>Bestaande prospekter infrastruktuur by Grasdrift sal hergebruik word vir die doeleindes van die delwery nl.</p> <ul style="list-style-type: none">• Herwinningsaanleg• Toegangspaaie, baksteengeboue en staalstrukture• Gruismonstergruwe en uitskot hope• Slikdam, staaldamme• Landingstrook• Water-onttrekkingspunte vanaf die Oranjerivier <p>Geen rehabilitasie in nog gedoen nie en sal tydens die mynreg tydperk geskied.</p>
	<p>1.3.2 Ligging</p> <p>Die mynreg gebied is gelê binne die Richtersveld Nasionale – en Oorgrens Park, ook moonlik die buffer van die Richtersveld Kulturele en Botaniese Landskap Wêreld-erfenisgebied.</p> <p>Die Wet op Beskermdes Gebiede verbied prospekter/mynbou binne beskermdes gebiede maar maak wel toegewing daarvoor, indien dit wettiglik plaasgevind het voor die inwerktrading van die wet (2004) en solank die myngebied nie toeneem nie.</p> <p>Nabas se prospekterreg is reeds voor 2004 by die DMHE verwerk en in 2017 uitgereik. Die mynreg-aansoek strek oor dieselfde gebied as die prospekterreg sin. DMHE het die aansoek aanvaar NC 30/5/1/2/2/10211 MR) en die wet bepaal dat die OIS moet volg.</p>

¹ Ons vra hiermee onverskoning dit is verkeerdelik uitgewys in die vergadering as Plaas Nr. 11 maar in werklikeheid Plaas Nr. 18.

1.4 | **Projek Oorsig**

MB het d.m.v. 'n liggingskaart uitgewys dat die aansoekgebied beperk is tot Suid-Afrika. Geen mynbou word beplan onder the Oranjerivier vloedvlakte nie. Die diamante sal ontgin word vanuit die gruiesterrasse bo dit d.m.v. vlak oopgroepmyn metodes (20m diep).

Die gruis sal uitgegrawe word en met vragmotors vervoer na 'n skuifbare sifmasjien, waar sand en die grootste klippe uitgesif word. Die oorblywende gruis word dan na die herwinningsaanleg vervoer. Alle uitskot material (d.w.s sand, oorgroot klippe, fyn materiaal vanaf aanleg) sal gebruik word om die uitgemynde areas weer op te vul en rehabiliteer.

Die myngebied sal opgedeel word in drie seksies met 'n herwinningsaanleg in elk nl.

- Seksie 1 in suide van myngebied waar daar reeds 'n aanleg en myntoerusting opgerig is.
- Seksie 2 in die middel van die myngebied by die ou aanlegterrein
- Seksie 3 gelê in die noordelike gedeelte van die myngebied waar die plasing van infrastruktuur later bepaal sal word.

Die myn sal 300 000 ton/maand verwerk met 'n lewensduur van 30 jaar. MB het die benodigde myninfrastruktuur genoem (verwys na bladsy 11 van voorlegging).

Twee kontrakteurs sal die gebied gelyktydig myn by Seksie 1 en 2. Seksie 3 sal later volg.

MB het die diensvereistes vir die myn uitgewys (verwys na bladsy 13 van voorlegging) nl:

- 80 000 – 100 000m³ water per maand sal ontrek word vanuit die Oranjerivier
- 'n Waterpyplyn sal aangelê word om die water na die aanlegte te gelei
- Drinkwater sal in JOJO tanks gestoor word en proseswater in staaldamme.
- Kragopwekkers sal die aanlegte, woonkwartiere en waterpompe voorsien van elektrisiteit.
- 'French drains' word tans gebruik by the myn vir riool behandeling maar daar is sprake dat daar moontlike 'n Riool-behandelings-aanleg opgerig sal word.

Volgens Nabas sal die gemeenskap 20% aandeel in the myn besit in die vorm van 'n Trust en ook voordeel geniet uit werks-en opleidingsgeleenthede.

1.5 | **Wetlike vereistes**

MB het kortliks die wetlike vereistes vir die projek uitgewys (verwys na bladsy 15 van die voorlegging) nl.

- Aansoek vir die volgende by DMHE in Springbok:
 - 'n Mynreg en goedgekeurde Gemeenskaps-en Arbeidsplan
 - Omgewingsmagtiging en 'n afvalbestuurslisensie onderhewig aan 'n OIS-proses
- Aansoek vir watergebruiklisensie by die Departement van Water en Sanitasie in Upington

1.6 | **OIS en Publieke Deelname Proses**

MB noem dat die OIS en publieke deelname proses streng gevolg word volgens die OIS-Regulasies riglyne en bestaan uit die drie fases wat elk vergesel word deur 'n rondte publieke deelname (verwys na bladsy 17 – 20 van voorlegging).

Die doel van die studie is om die moontlike omgewings-en sosiale impakte van die projek te bepaal, ondersoek, evalueer en ten einde te bestuur volgens 'n goedgekeurde Omgewingsbestuurs Plan (OBP). :

Die OBP sal as deel van die OIS ingehandig word vir goedkeuring by DMHE. Die plan sal al die kwessies (d.w.s myn, water, riool, afval beheer, woonkwartiere ens) aanspreek en is bindend op die mynreg houder. Onafhanklike Omgewings Konsultante sal verantwoordelik wees vir die monitering van die OBP en die DMHE sal dit opvolg met nakomings-oudits.

Die genoemde verslae van die OIS word ingelig deur spesialis studies. Naledzi sal die volgende studies voltooi as deel van die proses:

- Erfenisimpak en Palaeontologies Studie
- Hidrologiese en Geohidrologiese-impak Studies
- Biodiversiteits Studies (Akwatiese, Vleiland, Hidropedologies, Diere, Voëls, Plante)
- Grondgebruiksvermoë studie
- Geraas, Luggehalte (stof) asook Visuele impakstudie
- Sosio-ekonomiese impak studie
- Gemeenskaps Gesondheids Studie

Publieke Deelname

Die publieke deelname proses gee die Omgewingskonsultant die geleentheid om die bogenoemde projek inligting oor te dra aan die gemeenskap en hul insette te verkry wat uiteindelik oor gedra word aan die DMHE. Drie stappe inligting word met die publiek gedurende die OIS proses gedeel.

- Rondte 1 –Agtergronds Inligting Dokument (AID) wat die publiek die geleentheid gee om te registreer op die projek databasis en insae te lewer d.m.v geskrewe kommentaar, publieke vergaderings.
- Rondte 2 –Omvangsbepalings-verslag (OBV) wat beskikbaar gestel word vir die publiek om insae te lewer.
- Rondte 3 – Die OIS sleutel dokument, Omgewingsimpak-verslag (OIV) en OBP wat beskikbaar gestel word vir die publiek om insae te lewer d.m.v publieke vergaderings en geskrewe kommentaar.

Gedurende elke rondte het die publiek 30-dae geleentheid om insette te lewer.

MB het die Grasdrift OIS skedule bespreek (verwys na bladsy 21 van voorlegging) en die volgende uitgelig:

- **Rondte 1**
 - Die AID is beskikbaar tot 5 Desember 2022 vir registrasie en insae in elk van die vier dorpie asook Port Nolloth en Alexanderbaai en kan ook afgelaai word vanaf die Naledzi webtuiste.
 - Gemeenskaps vergaderings vind plaas op 16 en 17 November 2022.
 - Sodra die registrasie periode verstryk sal die Konsep-OBV voorberei word.
- **Rondte 2**
 - Die OBV sal beskikbaar wees gedurende Januarie to Februarie 2023 by dieselfde lokale as die AID en op die Naledzi webtuiste.
- **Rondte 3**
 - Die OIV en OBP sal beskikbaar wees vanaf Mei tot Junie 2023 soos bo genoem.
 - Gemeenskaps vergaderings sal plaasvind gedurende die tydperk om die bevindings van die OIS studie te bespreek.

2. BESPREKINGS

2	Besprekings
2.1	<p>Sulfa (Elf) Cloete wou die volgende uitlig nl.</p> <ul style="list-style-type: none"> a) Die myngebied val binne die Richtersveld gemeenskaps grond wat amptelik oorgedra sal word in komende jaar ingevolge die ‘Transformation of Certain Rural Areas Act 94 of 1998 (TRANCA)’aan die Richtersveld GEV. Die GEV is tans onder administrasie van die Minister van Grondsake. Dis kommerwekkend dat Naledzi vergader het (15 November 2022) met die GEV wat nie segenskap oor die grond het nie. b) Die park ooreenkoms sê duidelik dat slegs bestaande myne mag voortgaan en geen nuwe mynregte toegelaat sal word nie. Nabas bring nou ’n nuwe aansoek vir ’n mynreg want hul tans net prospekterregte. c) Die myngebied is gelê binne die buffer van die wêreld-erfenis gebied. Die park en

	<p>erfenis gebied huisves baie bedreigde plant spesies. Watter impak sal die mynbedrywighede hê op hierdie bedreigde plant spesies?</p> <p>d) Het Nabas 'n watergebruikreg wat hul prospekterreg vergesel? Waarvan dan ontrek hul water? Daar was onlangs 'n koerant advertensie in Gemsbok waarin daar aansoek gedoen word vir 'n watergebruik lisensie.</p> <p>e) Wie is Nabas Trust en wie is die trustees?</p> <p>MB terugvoer:</p> <p>a) Die vergadering met die Richtersveld GEV was 'n versoek vanaf die Minster van Grondsake verteenwoordiger, Mr Itumeleng Mashune. Die OIS inligting is nie eksklusief nie en is beskikbaar vir enige geregistreerde of belanghebbende partye.</p> <p>b) Volgens Nabas is hul reeds in besit van die prospekterregte oor Grasdrift voor 2004 voor die inwerktrading van die Wet of Beskermde Gebiede. Nabas doen reeds vir 'n geruime tyd mynbou proewe (t.o.v diamantopbrengs) by Grasdrift en sal hul produksie verhoog sodra/indien die mynreg uitgereik word.</p> <p>c) Biodiversiteits Studies asook 'n Erfenisimpak Studie sal deel vorm van die OIS om die impak op plantegroei, erfenisgebied en moontlike erfenis artikels te bepaal. Let wel dat daar geen plantegroei voorkom op die myngebied behalwe in die vloedvlakte en oewer van die Oranjerivier nie. Geen mynbou sal plaasvind binne die vloedvlakte nie.</p> <p>d) Nabas ontrek water vanaf die Oranjerivier vir die prospekter aktiwiteite. Volgens NDI Geologiese Konsultante het Nabas Diamante hul aansoek ingedien per hand by Departement van Water en Sanitasie (DWS) reeds voor 2017. Die aansoek was vir die ontrek en gebruik van 18 000m³/jaar vanuit die Oranjerivier. Gedurende Maart 2017 is die Watergebruik Lisensie Aansoek Regulasies uitgereik wat bepaal dat aansoeke elektronies ingedien moet word deur eWulaas sisteem. Op versoek van DWS, het NDI Geologiese Konsultante in Augustus 2022, die Watergebruik lisensie aansoek dokumente weer ingedien op die eWulaas sisteem sodat die aansoek vir die mynreg watergebruik kan ingedien word.(DWS Verwysings no. WU20432)</p> <p>LM terugvoer:</p> <p>e) Nabas het 'n trust in plek sedert 2006 met die bedoeling om 20% aandeel van die myn toe te ken aan die Richtersveld Gemeenskap sodra die mynreg toegeken word. Die akte vir die trust is nog nie toegestaan nie dus bestaan die trustees tans uit die sekretaresse, rekenmeester en prokureur. Sodra die akte toegestaan is en die grondeienaarskap is oorgedra aan die gemeenskap sal Nabas die gemeenskap betrek om trustees te verkies.</p> <p>Na-vergaderingse nota: Global Diamonds Resources SA (Edms.) Bpk is die meerderheidsaandeelhouer van Nabas Diamante. Global Diamonds is reeds die prospekterreg/permit oor Grasdrift toegestaan rondom 1997-2000 (ou orde reg). In 2004 moes alle ou orde regte oorgeskakel word na nuwe orde regte volgens die MPRDA. Nabas Diamante is toe gebruik as die oorkoepelende maatskappy om aansoek te doen vir die nuwe orde prospekterreg voor die ou orde reg verval het.</p>
2.2	<p>Abraham Matthys wou die volgende uitvind:</p> <p>a) As daar bedreigde spesies gevind word op die terrein wat sal gebeur?</p> <p>b) Hoekom is Nabas nie teenwoordig by die vergadering nie?</p> <p>MB terugvoer:</p> <p>a) Die betrokke spesialis sal bevestig of daar bedreigde plant spesies voorkom op die terrein of nie. Indien wel, dan sal daar sekere buffersones toegepas moet word wat die dan beskerm. Maar let wel, soos genoem, dat daar geen plantegroei voorkom op die myngebied behalwe in die vloedvlakte en oewer van die Oranjerivier nie.</p> <p>b) Naledzi behartig 'n onafhanklike publieke deelname proses met die doel om inligting in te samel vir die OIS onafhanklik van die mynreg aplikant. Naledzi is van mening dat die publiek/gemeenskap vrylik hul mening moet kan lig sonder die teenwoordigheid van die aplikant. Indien nodig sal die aplikant genooi word na toekomstige vergaderings.</p>

3. MAATSKAPLIKE EN ARBEIDSPLAN (MAP)

3.1	Nabas Maatskaplike-en Arbeidsplan (MAP)
<p>LM noem dat Nabas se mynreg-aansoek vergesel moet word deur 'n Maatskaplike en Arbeidsplan (MAP) in nakoming van die vereistes van die Wet op die Ontwikkeling van Minerale en Petroleumhulpbronne van 2002 (MPRDA). Die plan moet voorgelê word aan die DMHE waarin hul uiteensit hoe hul beplan om gemeenskappe in die myngebied te ontwikkel. Die plan moet elke 5 jaar hersien en opdateer word vir die lewensduur van die myn.</p> <p>Die Minister van Minerale hulpbronne het in 2018 'n nuwe Mynbou Handves gepubliseer wat voorstel dat gemeenskappe sekere aandele toegeken moet word in myne. Die persentasie aandele toegestaan is totaal afhanklik van die myndireksie. Nabas se bedoeling is om 20% aandeel van Nabas Diamante toe te ken aan Nabas Trust (Richtersveld Gemeenskaps Trust) sodra die mynreg uitgereik is. Daarna kan die myn hom eers verbind aan menslike hulpbronontwikkeling en LED-projekte.</p> <p>'n Konsep plan is beskikbaar vir die eerste 5 jaar van die myn en moet in oorleg met die gemeenskap gefinaliseer word. Die plan fokus op onderwys, opleiding, ontwikkeling en voedselsekerheid.</p> <p>Die menslike hulpbronontwikkelingsprogram sal fokus op (voorstelle):</p> <ul style="list-style-type: none"> • Internskap vir studente • Beure vir opleiding van studente as veldwagters. • Basiese onderrig en opleiding vir volwassenes • Werknemer werwing <p>Sou die gemeenskap eerder 'n behoefte hê vir ope beurse dan moet dit uitgewys word. Die bogenoemde is slegs voorstelle vanaf Nabas.</p> <p>Die twee LED-projekte wat Nabas geïdentifiseer het sluit die volgende in:</p> <ul style="list-style-type: none"> • Opknop van die Kweekhuisprojek by Alexanderbaai Skool ter waarde van R 720 000 • Kweekhuisprojekte by elk van die 4 gemeenskappe ter waarde van R 400 000 <p>Die opbrengs vanaf die kweekhuise kan verbruik; of verkoop word aan die plaaslike kruideniersware winkels. Nabas se totale belegging in die 1^{ste} 5-jaar van die plan is R 1,120 000.</p> <p>Voorstelle oor alternatiewe projekte wat die gemeenskap meer kan baat is ook welkom. Die projekte moet net standhoudend wees. Nabas sal dan die voorstelle oorweeg. Gemeenskappe kan ook kies watter projek eerste gedoen word en watter gemeenskap daarby behoort te baat. Die geïdentifiseerde projekte sal dan in die volgorde van prioriteit geïmplimenteer.</p> <p>Sodra die gemeenskap die opgedateerde plan aanvaar, sal dit ingedien word by DMHE vir goedkeuring en sal daar van die myn verwag word om projekte te implementeer.</p> <p>Die plan is dan 'n instrument waarvolgens die gemeenskap Nabas kan oudit. As die vereistes nie nagekom word nie kan die gemeenskap die myn te verklaar by DMHE.</p> <p>Hierdie projekte word bespreek met al die gemeenskappe.</p>	
3.2	Insette vir projekte vanaf gemeenskapslede
3.2.1	<p>Abraham Matthys het die volgende uitgelig:</p> <p>a) Lekkersing het 'n kliniek maar vir die afgelope 4-5 jaar nie 'n kliniek suster nie. Gemeenskapslede moet R 200 -300 betaal om Port Nolloth toe te gaan vir gehandeling.</p>
3.2.2	<p>Shamonay Links</p> <p>a) Waar kan gemeenskapslede aansoek doen vir werk? Die gemeenskap het meestal skoolverlaters maar die myn vereis dat hul bv. Graad 10 of 11 benodig om in aanmerking te kom vir werk. Wat gaan die myn in plek sit om daai tipe</p>

	skoolverlaters te akkommodeer?
	LM: Die MAP menslike hulpbronontwikkelingsprogram sluit onderrig en opleiding van volwassenes in. Nabas sal 'n gemeenskapsopname doen om die geletterdheidsvlak van die gemeenskapslede te bepaal daarvolgens sal hul bepaal watter posisies gevul kan word vanuit die gemeenskap. Die jeug kan oorweeg word vir skaars vaardighede en die myn kan ook indiensopleiding aan gemeenskapslede verseker sodat hul die nodige vaardighede kan beskik vir toekomstige werksgeleenthede by die myn. Let wel dis 'n vrywillige proses afhangend van die leerder se bereidwilligheid om deel te neem.
3.2.3	<p>Sulfa (Elf) Cloete wou die volgende uitlig ivm. die myn se voorsieningsketting (supply chain) en onderneming ontwikkeling (enterprise development):</p> <ol style="list-style-type: none"> Vir die opgradeer van die myngeboue moet plaaslike kontrakteurs van die gemeenskap in diens geneem word. Die myne in die gebied het die neiging om nie te voldoen aan hul MAP nie. Kan die gemeenskap nie nou al vra vir fondse uit die Nabas Trust nie? <p>LM:</p> <ol style="list-style-type: none"> Dit kan gelys word as 'n versoek vir die MAP dat die gemeenskap moet voorkeur geniet wanneer dit kom by aankope en indiensneming van klein maatskappye wanneer daar projekte is by die myn. Die gemeenskap kan die MAP gebruik om Nabas te oudit. As die vereistes nie nagekom word nie kan die gemeenskap die myn te verkla by DMHE. Die plan wys die tydryne wanneer sekere verpligtinge nagekom moet word. Die myn moet 'n jaarlikse prestasie beoordelings-verslag indien by DMHE voor of op elke 31ste Maart, sodat die plan se vordering gemeet kan word. Die gemeenskap kan 'n afskrif van die verslag versoek vanaf die myn of DMHE. Nog nie. Die trust is gestig maar sal eers dividende ontvang sodra die myn in produksie is. <p>Vir die gemeenskappe om werksgeleenthede te kry by die myn bv. konstruksie werk ens, is daar die opsie om as regspersoon/entiteit te registreer bv. maatskappy/ geslote koöperasie wat al die algemene dienste lewer. Die entiteit moet dan al die nodige dokumente in plek hê (d.w.s Registrasie dokumente, besigheids profiel, belasting nommer/sertifikaat).</p>
3.2.4	<p>Abraham Matthys wou die volgende uitvind:</p> <ol style="list-style-type: none"> Kan Nabas 'n persoon deur universiteit sien? <p>LM – Die versoek vir ope beurse sal gestel word aan Nabas.</p>
3.2.5	<p>Shamonay Links</p> <ul style="list-style-type: none"> Daar is drankprobleme in die gemeenskap. Kan Nabas nie help met befondsing vir 'n beradingsentrum nie? Die vergadering saal is leeg omdat die gemeenskap skepties is oor die ander myn maatskappye. Die gemeenskap wil sien Nabas belê/investeer in die gemeenskappe. <p>LM –Nabas sal geld in die trust inbetaal vir die gemeenskap. Die gemeenskap kan versoek dat die trust gelde gebruik vir 'n beradingsentrum.</p> <p>MB: Die Gemeenskap-gesondheids Studie sal ook die behoefte aanspreek en voorstelle maak.</p>
VERWYS NA BYLAE C VIR DIE OPSOMMING VAN PROJEKTE	

4. GEMEENSKAP GESONDHEIDS VRAELYS

MB het die gemeenskaps vraelys ingevul met insette vanaf die gemeenskapslede teenwoordig. Die volgende is uitgelig:

- Lekkersing dorpie het 'n kliniek maar het nie 'n kliniek suster nie.
- Die kliniek is oor die algemeen nie toegerus met kroniese medikasie nie.
- Algemene siektes sluit bloeddruk en diabetes in.

- Die gemeenskapslede moet na die Port Nolloth Hospitaal (R 200-300 vir vervoer) toe gaan vir algemene behandeling en Upington / Kimberley vir kroniese behandeling.
- Daar spesifiek alkoholmisbruik in die dorpie.

5. AFSLUITING

MB het almal teenwoordig bedank vir hul deelname en insette. Die vergadering is verdaag.

6. GEIDENTIFISEERDE AKSIE-ITEMS

Nr.	Aksie Item	Toegewys	Wanneer voltooi
1	Projekte wat ingesluit moet word in die MAP: <ul style="list-style-type: none"> • Die jeug moet oorweeg word vir skaars vaardighede en die myn kan ook indiensopleiding aan gemeenskapslede verseker sodat hul die nodige vaardighede kan beskik vir toekomstige werkseleenthede by die myn. • Die gemeenskap moet voorkeur geniet wanneer dit kom by aankope en indiensneming van klein maatskappye wanneer daar projekte is by die myn. • Ope beurse vir student 	NDI	Sluit in by die MAP. Die lys en voorlegging is deurgestuur aan Richtersveld GEV kantore op 9 Desember 2022 vir insae.

Aanhangels:

Bylae A- Getekende bywonings register

Bylae B – PowerPoint-voorlegging

Bylae C – Voorgestelde Maatskaplike en Arbeidsplan projekte

7. AANVAARDING VAN NOTULE:

a) NALEDZI OMGEWINGSKONSULTANTE

Handtekening

Datum

b) NDI GEOLOGIESE KONSULTANTE

Handtekening

Datum

c) LEKKERSING GEV VERTEENWOORDIGER / GEMEENSKAPSLEDE

Handtekening

Datum

OMGEWINGSIMPAK STUDIE (OMGEWINGSBEPALING FASE) PUBLIEKE VERGADERINGS

Nabas Diamante (Edms) Bpk doen aansoek vir Omgewingsmagtiging, 'n Afvalbestuurlisensie asook Watergebruiklisensie vir die voorgestelde Grasdrift Diamant Delwery (DMRE Verw. NCS 30/5/1/2/2/10211 MR

BYWONINGS REGISTER – LEKKERSING SAAL

Datum: 16 November 2022

Tyd: 10h00

NAAM EN VAN	WOONPLEK	EPOS ADRES	KONTAK NOMMER	HANDTEKENING
MARISSA BOTHA	POLKWANE, LP NALEDZI			
Thenda Matseneve	POLKWANE, LP NALEDZI ENVIRONMENTAL CONSULTANTS			
Jenny O'FANT	WINDSORTON NABO KAAP			
Sulfa Obete	Lekkering			
Mana Hein	Lekkering			
Veronica NERO	Lekkering			
Magnica NERO	Lekkering			

NAAM EN VAN	WOONPLEK	EPOS ADRES	KONTAK NOMMER	HANDTEKENING
Anna Cupido	Leikkersing			
ABRAHAM. MATTHEUS	LEIKKERSING			C
CHAMINAJ UNKS	LEIKKERSING			C